



OSTERØY KOMMUNE

Sektor for oppvekst undervisning og kultur

VEDTEKTER FOR KOMMUNALE SKULEFRITIDSORDNING I OSTERØY KOMMUNE

Revidert og gjeldane frå 1. August 2017.

1. Eigartilhøve

Osterøy kommune er eigar av skulefritidsordningane (heretter SFO) ved dei kommunale grunnskulane - og skal ha ei drift i samsvar med Opplæringslova § 13-7 samt kommunale planar og vedtak.

2. Styre og leiing av skulefritidsordningane

- **Rådmannen**

Driftsansvaret er delegert frå heradstyret til rådmannen.

- **Rektor**

Rektor er fagleg og administrativ leiar for skulefritidsordningane.

- **Bemanning**

Skulefritidsordningane skal ha ei forsvarleg bemanning.

Leiar for SFO har ansvar for den daglege drifta.

- **Samarbeidsutvalet**

Samarbeidsutvalet er eit rådgevande, kontaktskapande og samordnande organ ved skulen.

Samarbeidsutvalet kan delegere saker om SFO til eit eige arbeidsutval.

3. Formål og Lovgrunnlag

SFO er ein del av skulen sitt samla læringsmiljø og skal gje born på 1. – 4. årstrinn omsorg og tilsyn før og etter undervisningstid i nær forståing og samarbeid med heimen.

”Kommunen skal ha eit tilbod om skulefritidsordning før og etter skoletid for 1. – 4. klassetrinn, og for barn med særskilte behov på 1. – 7. klassetrinn”.

Tilbodet skal leggja til rette for:

- *Leik, kultur -og fritidsaktivitetar*
- *Omsorg og tilsyn*

SFO skal vera eit positivt element i – og ein integrert del av skulekvardagen. Borna skal oppleva samanheng i kvardagen sin.

4. Areal

Borna i SFO nyttar skulen sine leikeområde og leikeutstyr.

Areal som vert nytta til SFO skal vera eigna til leik og aktivitetar ute – og inne.

5. Opningstid

SFO i Osterøy er open 11 mnd. i året, unnateke er skulen sine ferie og fridagar.

Kvar skule vil ha eigne opningstider.

Skulane vil gje desse tilboda:

- Inntil 9 timar veke
- 9-15 timar veke
- Meir enn 15 timar veke

6. Plass i skulefritidsordning

Alle som søker plass i SFO med heimel i Opplæringslova § 4 vert tildelt plass.

Opptaksperiode

I samband med opptak blir opptaksperioden sett lik med det komande

skuleåret. For opptak i skuleåret blir opptaksperioden sett til resten av skuleåret.

Opptakskriterium

Skulefritidsordninga skal vera open for born på årsstega 1-4 klasstrinn og born med særskilde behov 1-7 klasstrinn.

Søknad og tildeling av plass

Innan fastsett frist 1. mai søker foreldre om plass for elevane.

Søknadsskjema skal visa til vedtektene – og *elektronisk søknadsskjema* ligg på heimesida til Osterøy kommune.

Opptak kan skje gjennom året – dersom bemanning og lokale tilseier det.

Oppseiing av skulefritidsplassen

Oppseiingsfristen/reduksjon av opphaldstid er 1 månad rekna frå den 1. i kvar månad.

Om våren vil ein ikkje godta oppseiingar/reduksjon i opphaldstid som kjem inn etter 1.4.

7. Foreldrebetaling

Satsane for foreldrebetaling vert fastsett av Osterøy heradstyre i samband med

Budsjetthandsaminga - og satsane blir gjort gjeldande frå det tidspunktet heradstyret bestemmer.

Foreldre kan velje /betale for eit skulefritidsår som er på 11 månader rekna frå den 01/8 til 30/6 - eller for 10 månader rekna frå skulestart i august og til skuleslutt i juni .

Dersom betalinga frå foreldre er 1 månad forseinka, sender ein skriftleg purring der ein samstundes melder at neste skritt blir inkasso og at barnet vil missa plassen om betalinga ikkje er ordna innan 1 månad etter varsel.

8. Teieplikt

Opplæringslova § 15 -1 viser til forvaltningslova §§15-1 til 15 -5 som omhandlar reglar for teieplikt.

9. Politiattest

Opplæringslova §10-9.”Den som skal tilsetjast i grunnskolen må leggje fram politiattest.”

Revidert og gjeldane frå 1. august 2017.